

神而可達速請乘雲駕霧躡景凌空火鈴一  
擲而光照入荒雷光一飛而丹騰三界徑詣  
丹天之闕直趨紫極之垣啓典奏之仙卿通  
金尊之御座凡誠得達救旨煥頒元降符章  
速標上進當職欽承

帝命掌捏印符專雷靈籙令之權司斗府奏  
攘之事今下疾如星火法佈迅若風煙三界  
不許稽延一時明彰報應

警建光

向米奏告功德上祈星真轉斗移星同賴善

功一切信禮伏願

天清地寧萬法咸祈於調理世安國泰群生  
總賴於周旋矧在微軀伏蒙

大造非橫出於莫測見睨日消福慶無不其  
宜如川方至或傾危殆全仗扶持向來奏告

功德上翼

添二

斗真證無上道一切信禮

先天斗母奏告玄科終

朝真發願懺悔文 淨口業咒 添三  
綺妄諂譏兼兩舌悖辭詬詆恣凌人願談道  
德改前愆語合天心口靈聖

淨身業咒

殺盜淫邪汚行免惹廉正直可通神是為清

添三

淨自然身四獸百靈長擁護

淨心業咒

道境清明無穢淨貪嗔癡昧日妖邪溢心戒  
念等虛空是即大羅無色界

祝香

祝功曹

神化無方誠可格誠心有禱假香傳香雲淨  
蓋大羅天仙仗浮空隨應感

祝功曹

奉請功曹直符使此間土地至靈神昇天入  
地徧幽明達悃傳香聞聖指

啟聖

添

我等一心皈命禮天靈神寶大慈尊玄穹九  
辰諸帝真金母木公卿宰輔日月星辰司本  
命符章經道總真文五老三官大帝君四聖  
四相大法主傳道傳法傳經籙流芳演派衆

宗師諸階法部統真靈雷霆岳鄧官將吏十  
方無量神仙侶同垂應感赴靈場慈悲接引  
學仙人隨願克成無上道

經誥隨意念誦畢回向

經功號力不思議回向十方諸聖眾願鑒真

情求懺悔河沙罪障悉消除

懺悔願發

懺悔我等自從曩劫迺至今生假火風地水  
以成形戀香味色聲而觸法食嗔痴妬惡口  
妄言殺盜邪淫恣情縱欲逆辱父母背負君  
師不敬天地神祇呵風罵雨不信罪福因果

昧理欺心遂致報對升沉輪迴展轉受諸苦  
惱無有休停皆由一念之差陣迷自性妄認  
六塵之幻沉溺愛河今而既獲人身叨親正  
教豈非千生慶幸一旦遭逢自合省心早求

添三

度世若復似前流蕩畢竟迷失本來一墮真  
途化為異類是故思沉淪苦發清淨心皈奉  
聖真特求懺悔丐憐愚昧原赦罪愆解釋報  
緣蠲消魔障所覬命達昌運名注丹臺際遇  
真師親聞至道精修妙行增長善芽盡節玄

門怡神真境他日運應滅度自性不至昏迷  
往生十善之家能通宿命還證上乘之道臣  
事虛皇尚願國安民豐時和歲稔願真風不  
闡道化興行願克惡化賢邪魔皈正願兵刑  
罔措囹圄空閑願沉滯昇遷冤仇和釋願恭

玄學者入道成真願歷切種親均諧超度願  
歷世師友同證真常願所有緣增崇福慧願  
所傷物命早生人天願節食酒葷不相殺害  
願持身端正不履強邪願悉破慳貪悉除陰  
峻願言無誑妄行貴真誠願弱已饒人潛忍  
忿怒願慈心下氣恭敬一切願不墮邊夷不  
隨邪見願結交仙友栖集消虛願智惠開明  
神通恢廓願廣行方便普濟群生願永斷執  
迷咸歸至道塵劫有盡我願無窮端望帝真  
曲垂濟度皈命禮謝無上正真三寶

祝謝  
向來禮念諸功德全賴慈悲為主盟仰瞻仙  
仗隱空玄法部真靈長擁護稽首皈依無極  
妙道  
朝真發願懺悔文終



靈寶施食法

此法能日行之惟好恐未能長齋但不  
食五辛及厭物醉酒皆可若只過齋日行  
之亦在人每當早飯之時先存淨飯盞  
子以小盒盛貯至夜靜望空默念

淨三業咒同前朝真懺內持咒時必須  
身心如一塵累頓忘幻境皆空金光洞

煥次念

土地咒在志希拱立跪

此間土地神之最靈升天入地出幽入冥為

吾聞奏不得留傳有功之日名書上清

次念救苦經一編先誦此經者所以致其  
誠敬望其感孚也當誦經之須一念不生  
萬緣俱釋日光上燭泥丸圓光充滿慈尊  
衆真森羅于內次祝云

具位臣某稽首皈依志心上告

虛無自然元始天尊玉宸道君靈寶天尊太  
上老君道德天尊青華慈父太乙救苦天尊  
十方應號救苦天尊十方救苦真人十方救  
苦童子三清玄一三真君三天大法師正一

真君太極左宮仙公真君九州都仙太史真  
君金闕昭靈妙道保仙元君一元無上救苦  
薩君真人九天度鬼諸司真宰十方得道一  
切神仙法籙宗師仙靈雷霆岳鄧帥將神虎  
追攝官屬三元五道大神恭望洪慈俯垂洞

三

四

鑒以今某處奉道交輟食普濟幽靈願  
降祥光照開冥道攝引魂爽疾速來臨仰憑  
三寶慈尊慧力散洒甘露變化法食周徧十  
方法界鬼神咸資解脫

次念普照鬼神咒曰

嚕囉胃字定吉利一悉七遍急速至攝

存黑炁一團廣大無邊從左肩後采內有  
萬點星光即一吸吹布于前如有神將部  
領次祝曰

謹召十方無極世界一切魔靈道人偷道地

獄道餓鬼道畜生道諸類男女孤寡切亡苦  
與我等宿生負命負財負恩負義冤債囚徒  
古往今來他方此界戰場陣歿客死枉亡一  
切沉寃滯魄鬼神精靈等衆悉承道力奔赴  
靈場受食和宛乘功超化